



UNIVERSITÄTS-
BIBLIOTHEK
PADERBORN

Universitätsbibliothek Paderborn

Fasti Mariani

Brunner, Andreas
Pfeffer, Wilhelm

Antverpiæ, [1659 erschienen] 1660

S. Patroclvs Conf. 19. Novembris.

urn:nbn:de:hbz:466:1-42032

vit, dum literis exultus inter Canonicos Turo-
nenses est cooptatus, Sed tunc etiam vanis
poëtarum (& Virgillii præcipuè) commentis plus
quàm piis commentationibus vacaret, per sem-
inum vas vidit cumprimis elegans, sed serpenti-
bus plenum. Monuit scilicet iterum cælum, quod
ipse Maro, anguem ut juvenus caveat in herba
latentem, dum fraga legit. Noster deinceps præ-
cipibus ad D. Martini noctes invigilavit: quò sæpius
euntem cum ex itinere vulpes infestarent, mirum
dictu suppetias contra has lupus tulit, idem deinde
ODONIS hospes, ædiumque non ridiculus jam
custos. Sub hæc dum Lutetiæ Parisiorum amplius
literis operam navat, ab ipso Greg. Pont. noctu
calamum dono accipere visus est, quo magni
Doctoris Moralia, ut ajunt, sparsa omnibus libris
in unum corpus colligeret. Iam monachus labo-
ravit tam diu, quoad monachum etiam pater, ma-
ter velum indueret inter virgines. Abbas Gignia-
censis, mox Cluniacensis miranda & fecit & pas-
sus est, dum collapsam monasteriorum discipli-
nam erexit. Ad extremum æger Romæ impetra-
vit, ut redire in patriam liceret. Ibi denique vi-
tam posuit ubi accepit, ad D. Martini tumulum.

Ex Surio.

*Vis scire, homo, quid Deo debeas, quòd factus es, Dei
creditū est; quòd es ratiōis capax, Dei factus es; quòd
discretionem mali boni ve possides, accepisti; & quòd
vivendi normam accipere, per chirographum legit
stipulanti Deo spondisti. S. Pet. Chryl. s. 94.*

S. PATROCLVS CONF. 19. Novembris.

Genus & origo PATROCLIO humilis fuit, se-
indoles nã generosa, quæ tum se. prodiit,
cum

cum rus ad oves est ablegata, fratre Antonio ad ludum literarium amandato. Etenim cum hic oblitus eodem ovo se prognatum, fratrem opilionem averfaretur Musarum pullus, tam ille succensuit silvis, ut relicto in his pane ad Apollinis castra etiam ipse transfugerit, nec multo post ostenderit, non ingenio, non studio se fratri, solo fastu cedere. Ita hodie etiam videas convitiis (veluti ventis incendia) non extingui, sed ali artes. Caterum ab Apolline transit ad sacra, ab his ad solitarium locum: & operam in erudienda juventute posuit, fuitque omne Minerval *una DEX gloria*. Inde quoque, ubi solum esse non permiserunt prodigia, in silvas aufugit, cum loci ac sacelli heredes sacras virgines instituisset. Sed & silvæ miraculis coruscatunt viri, & dæmon pulsus ex hominibus passim per urbes famam PATROCLI ferebat. Pulsurus tamen vicissim statione suâ hostem veterator, cogitationem de reditu ad arbes ingressit. Hic Tutelaris Angelus conscendere secum columnam jussit, indeque totam mundi tragediam, hoc est, furta, rapinas adulteria, ac denique horum omnium epilogum interitum jussit spectare. Dedit lacrymas arbiter ludi PATROCLVS, nec placuit jam spectare, minis agere fabulam tam funestam; quin totus mundo ut exiret, ad cælum abiit. A morte pluribus cæcis oculos aperuit: utinam nobis etiam, quò nempe mundum his, quibus ille, oculis aspiceremus! *Ex Surio.*

O pravariatores, revertimini ad cor, intelligite non intelligentes, quia omnes mundi promissiones seductoria sunt, omnes blanditia venena, cuncta delectationes pocula mortalia, viaque illius sempiterna mors. S. Laur. Iustin. Lign. vit. de Fide c. 1.

S. E. L. I.